

Zeitschrift: Nebelspalter : das Humor- und Satire-Magazin
Band: 76 (1950)
Heft: 17

Artikel: Halleluja
Autor: [s.n.]
DOI: <https://doi.org/10.5169/seals-489274>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 17.03.2025

ETH-Bibliothek Zürich, E-Periodica, <https://www.e-periodica.ch>



Chueri und Rägel

«So Chueri, häsch em Truscht gfröönt?»

«Bitti au, worum, Rägel?»

«He, du treisch doch da e Channe voll Truschtsoofje umenand.»

«Jäso; mis Chännli Petrol meinsch?»

«Natürli. Du bisch goppel au bloof en Schwiizer, solang d Schwiizerwuchepakat dusse hanged, dänn häts es wider für es Jaar.»

«Rägel, du söttisch Babe heiße! Säg mer, woher ich Schwiizer Petrol überchume und ich chaufe miner Läbtig keis anders mee. Meinsch, ich well lieber mini Geiße im Dunkle fuetttere als Ussländerwaar chaufe?»

«Aber worum mues es dänn grad vome Truscht sii?»

«He, ich cha doch nid uf Amerika goge luege, weli vo de zweiedriifg-tuusig Erdölfirme en Truscht sei und weli nid, oder? Uf jede Fall sind alli gliich tüür, au di truschtfreie; die händ iren Moscht jedefall au nid us em Schaatschäller.»

«Aber me list doch i letschter Ziit sovil Uguets über Truscht. Da sött mes nid no underschtütze.»

«Gäll, ich bi bloof en Geißepeur und kein Fachma, aber ich shtell mer das so vor: Es seiged schints öppe hundertsächzg, wo derigs Züüg importiered. Jede wär natürli schüüli froo, er wär der einzig, und drum seit jede em andere Truscht. Das isch underhaltsam und billig, wie wänn me übers Wätter futteret, nützs nüüt, so schadts nüüt.»

«Schpil jetzt nu nid de naiv Geißepeur, Chueri! Me ghöört doch sogar, es gääb Truschtsklaave, weisch so Leib-eigeni, wo sich eme Truscht mit Liib und Seel händ müese verschriibe wie früener amigs d Häxe em Tüüfel.»

«He, wenn eine öppis wott, so mues er meischens au öppis gää. Es wird doch gwüß keine zwunge, en Vertrag zunderschriibe, es hät ja schließli mee as ei Firma wo uf d Chunde planget wie der Hund ufs metzge.»

«Jää, wenn aber alli gliich sind?»

«Dänn sölleds enand nid Truscht an G— an Chopf rüere, wänns sälber nid anderscht handled. Mir Chöifer sind doch nid derfür da, däne iren Privat-rieg uszschriege, oder?»

«Chueri, du schiinsch mer en fertige Truschtbrüeder z sii. Schäm di!»

«Meinsch miich? Ich ha kei Truschtakzie, wänn d das meinsch, wohär wetti au de Chlütter ha. Aber me gseet doch öppe, daß keine so luut rüeff ‚Hebed de Schelm!‘ wie der Dieb sälber. Mich machts eifach verrückt, daß es geschattet seig, ‚Schwiizerart‘ und ‚Landeswohl‘ z säge, wo me blof s eige Gschäftli meint. Eusi Faane isch doch kei Gschäfts-reklametafele.»

«Jetzt bisch aber schön vom Petrol abcho, Chueri. Gäll, das häsch äxtra gmacht, aber ich has halt doch gmerkt.»

«Häsch öppe gemeint, es sei blof bim Petrol eso? Schpeer d Augen uf, so gseesch öppis.»

«Wills probiere. Läb wool, Sklaav!»

«Läb wool, Babe.»



Canova
Besuchen Sie den attraktiven
TEA-SHOP
mit Wunschkonzert. Einzig in Zürich
DINER-DANSANT BAR
mit à la carte-Spezialitäten und Menus
Für Diner-Gäste kein Zuschlag
Zürich **Schifflandeplatz 26**
Nähe Bellevue großer Platz Tel. (051) 32 19 54

Die besten Weine von
NEUCHÂTEL CHÂTENAY
seit 1796

WALTER WIRTH
vormals
Fehr Woosher
St. Gallen
St. Leonhardstrasse 17
Telefon 2 84 78
Cigarren-Import
gegründet 1850

Weisflog Bitter
mild und gut
seit Jahrzehnten bewährt

Halleluja

Unser ländlicher Chorleiter setzte seine Ehre drein, an Ostern Händels «Halleluja» zur Aufführung zu bringen. Dabei entwickelte er eine besondere Fertigkeit, die Tempi je nach Text zu variieren und Ritardandi einzuschieben, wo es ihm beliebte. Als wir ihn einmal auf die rhythmisch strenge Barockmusik aufmerksam machten, gab er uns zur Antwort: «Ich will halt no öppis mache us dem Shtuck und s Ganz nöd e so abehaschple, wie me das am Radio meischtens hört.»

KB

Die Gesprächigen

Zwei Bauern aus dem Baskenland reisen nach Valencia. Sie haben etwa zehn Stunden Fahrt vor sich. Gleich am Anfang ihrer Reise fahren sie ausgedehnten Kartoffelfeldern entlang.

«Hier stehen die Kartoffeln schon hoch», bemerkt der eine.

Wenige Kilometer vor Valencia fährt der Zug wieder an großen Kartoffelfeldern vorbei.

«Hier auch», bemerkt da der zweite Bauer, womit ihr Gespräch beendet war.

Alfredo

Sexuelle Schwächezustände

sicher behoben durch

Strauß-Perlen

Probepackung Fr. 5.—, Original-Schachtel 10.—,
Kurpackung Fr. 25.—.

General-Depot: **Bahnhof- und Strauß-Apotheke,**
Zürich 1, Löwenstraße 59 b, beim Hauptbahnhof.

FRIGORREX
Jedem Gewerbe seine
Kühlanlage
FRIGORREX AG. LUZERN